

Violencia a domina den weekend

LIBERTAD NUNCA A PER-
JUDICA NINGUN HENDE
NINGUN CAUSA NI NIN-
GUN NACION

DiARiO

DI ARUBA

Bo Matutino
Netamente Arubiano

DIALUNA 30 SEPTEMBER 1985 AÑA 4, No. 1434

Arbitro a bay cu dirigi wega di futbol bon arma

Homber a hunga kun fu den auto di polis

Casino di Aruba Palm Beach Hotel ta haya otro operador



Ayera comisario interino di cuerpo policial na Aruba Sr. Roland Peterson a haci entrega di e decreto gubernamental na Inspector Stanley Zaandam, den cual e ta ser nombra como Inspector Eerste Klas entrante dia prome di juni 1983. Dia prome di juni 1982 Sr. Zaandam a promove pa Inspector Tweede Klasse. E ceremonia a tuma lugar den oficina di comisario interino Sr. Peterson den presencia di inspectornan Nicolaas, Nectar y Kock.



E siman aki ta ser teni na Aruba e convencion nacional di Jaycees. Ayera tardi informacion a ser duna di e convencion aki, di cual por lesa den e edicion di awe. Ariba e foto por mira d.i.p.d. Angelina Jansen, convention director di comite organizador, Melva Ridderstap relacionista publico, Tito Sapuano, presidente NOM, esta presidente nacional di Jaycees Antillas, Shirley Pope, presidente di Aruba Female Jaycees, y senador Herbert Domacasse consehero ariba asuntonan di ley.

CUAL MINISTRO TA TRAHA FOR DI UN OFICINA DI UN EMPRESA NA UNDA SU SOLO PRESENCIA TA REPRESENTA UN GRAVE CONFLICTO DI INTERES?

Ebby Arends ta duna su punto di vista ariba "Democracia participatorio"

ORANJESTAD (AAN) Di Sr. Elbert Arends, Sr., DIARIO a haya e siguiente reaccion:

"Señores di DIARIO: Aunque cu boso editorial di 30/9/85 no ta menciona mi nomber, toch mi ta tuma e iniciativa di reacciona ariba djele pasobra papiando di "democracia participatorio" ta ami a usa e palabra ey recientemente den un articulo pa pone nos Gobernantenan pensa poco. No ta mi intencion di cuminsa un debate filosofico ariba e asunto aki, pero toch mi tin cu clarifica algun punto.

"Pa cuminsa e palabra democracia participatorio ta existi y ta wordu usa debidamente, esaki kier meen e espiritu den un sistema cu ta caracteriza su mes pa of cu ta envolver participacion, pues dunando e oportunidad pa participacion individual. Esun cu tin duda ainda den esaki por pasa cerca mi, y mi lo muestra nan cu den Webster's Third New International Dictionary (Unabridged) cu ta consisti di 2662 pagina, ariba pagina 1646 ta splica e palabra "participatory democracy".

"E espiritu di mi articulo tabata cu ora un gobierno ta tuma medidanan cu tin un impacto asina grandi ariba nos individualmente, ta bon pa tene cuenta cu e posibilidad di un referendum manera cu hopi pais ta haci caba, of siquiera usa e procedimiento di consulta cu e diferente gremionan organiza cu ta representa masha hopi hende mes ariba nos isla.

"Mi kier clarifica tambe cu den e sentido estricto di e palabra na unda cu un Gobierno door di pueblo, pues cu mayoria ta dicidi bo ta haya tambe "democracia directo" como un forma di gobierno na unda cu e poder supremo ta hancra cerca e pueblo y ehecuta door di e pueblo directamente door di e sistema di representacion y aturoridad delega den cual e pueblo ta escoge su representantenan na eleccionnan teni periodicamente. Den nos caso cada 4 aña.

"Pues, mi ta enfatiza cu ta e "espiritu" di "participacion" den forma p.e. di consulta previo mester tey ora ta trata di asuntonan hopi serio pa nos bida diario, esta si referendum no ta posibel.

"Por ultimo un par di pregunta. Acaso e sistema di referendum cu diferente estado Americano y Europa conoce, e sistema di "initiatives" na E.U. (proposition 13 na California y varios otro estadonan) y tambe e sistema di "recall" un politico cu a faya via un cantidad di firma cu ta igual na tanto porciento di electorado, esakinan no ta "participatorio"? Mi ta admiti si cu te ainda e ta ariba nivel di estado, pero e ta bayendo ariba nivel nacional tambe, esta pa loque ta concerni E.U."

(Nota di Redaccion: Ningun hende a cuestiona e existencia di e palabra (of concepto) "participatorio". DIARIO a indica cu e ta superfluo pasobra e ta inclui caba den e concepto "democracia". Na Merca y na tur otro pais libre, na unda democracia ta e forma di gobierno, y e participacion di pueblo ta via e proceso electoral, bo no ta tende di "democracia participatorio, ni constitucional, ni representativo, ni directo". Bo ta tende solamente "democracia", cu ta inclui tur e anterior adjetivonan den su propio esencia. Consulta previo pa asuntonan cu ta concerni un pueblo a tuma lugar caba na Aruba (e Referendum), asina ta cu e no ta un "novum" aki. DIARIO a splica cu un participacion TOTAL, como PARTICIPACION den e tumamento di decision, ta bay linea recta contra e concepto di democracia per se. Consulta no ta participacion, e ta un indagacion den e forma di pensa di e gremionan, y ta hopi salubable ora cu e ta necesario, pero e no ta imperativo, y e consulta no por bira nunca PARTICIPACION den e tumamento di un decision di parti di un gobierno elegi democraticamente, door di un mayoria, pa represente den e decisionnan ey. Y e gremionan, pa grandi of chiquito cu nan ta, no ta suma nunca un porcentaje tal di poblacion cu ta converti nan den un factor mayoritario, of minoritario cu mas derecho cu esun mayoritario no representa pa e gremionan ey).

Sanifesta a move pa promenade

ORANJESTAD (AAN) Por fin Comision San Nicolas Task Force por cuminsa cu su afamado Programa SANIFESTA. Esaki tabata debi na tramitanen necesario despues cu Gezagebber Sr. Bislip a informa pa SANIFESTA move awor pa Promenade. E dos Sanifestanan lo ta ariba dia 7 di November y dia 5 di December, entre 7:30 pa 10:30 p.m. Manera custumbra lo tin oportunidad pa esnan intersa pa trece articulo of cuminda pa vende na e publico presente, pero segun e Instituto di Cultura lo NO tin stand of tentnan disponibel mas pa SANIFESTA.

Pues esnan cu ta bin vende, mester trece nan mes stand of mesa y tambe mester yama Sr. Danny Leerdam, na telefon 46030.

Manera por corda, e pro-

grama SANIFESTA ta consisti di entretenimento, rifa y un bon conjunto cu lo habri y cera e programa. Como cu Sanifesta ta un medio cu ta ofrece bon oportunidad pa nos talentonan, sea artistico, musical, cultural, etc., pa presenta dilanti publico, e Comision ta haci un yamada special pa tur agrupacion musical, of esnan cu por entretene e publico cu show, canto, baile, etc., sea asina bon di

tuma contacto mesora cu cualquier miembro di e Comision. SANIFESTA, cual ta consisti di e siguiente personanan:

Bill Geerman - Coordinador.

Danny Leerdam, Tel. 46030; Sandra Windfield, Tel. 45138; Alicia Godett, Tel. 46406; Ted Vlaun, Tel. 45267; Andy Withfield, Tel. 46607; Bertie Viapree, Tel. 45619; Elroy Jack, Tel. 45759.

Invitacion

Pa medio di esaki Partido Democrático Arubano PDA

Ta invita tur su simpatizadornan, pueblo di Aruba en general y habitantenan di Tanki Leendert en particular pa otro reunion di contacto AWE NOCHI

Direccion: Tanki Leender nr. 150 C

(Poco pariba di cruzada di Tanki Leendert) na cas di Sr. Osbelio Antersijn. E reunion ta cuminsa pa 8 or

baratillo

Shirts
lange en korte mouw
in effen en fantasie
van 49,- voor..... **29,-**

Lacoste polo's
100% katoen
van 49,- voor.. **29,-**

Ondergoed
slips 100% katoen
2 modellen in
effen en fantasie
2 voor..... **10,-**

Schoenen, leder
instap en veter modellen
o.a. van 129,- voor..... **85,-**

Anklets
effen
wol/polyester
4 paar voor.... **10,-**

Pantalons
Wash & Wear
van 69,- voor.. **49,-**

Kostuums
Original Torino
lichtgewicht
wol/polyester
van 429,- voor... **199,-**

Wulfsen & Wulfsen.

Nassastraat 52
Oranjestad, Aruba, N.A.

Casino di Aruba Palm Beach ta haya otro operador

ORANJESTAD(AAN)—Ayer tardi e casino di Aruba Palm Beach Hotel a ser cera sorprendientemente, y tur e trahadornan a ser manda cas cu un atardi y anochi liber.

Sorprendentemente pa motibo cu ningun persona, ni manager general di e hotel Sr. Cham, ni personal di casino ni ex-operador tabata sa cu e paso aki lo a ser tuma.

Segun Sr. Noppy Henriquez, director di Aruven, el a tene esaki secreto pa asina ningun informacion negativo di e intencion cu tin tras di e ceramento aki sali afo siendo cu tabata djies un medida di cambio di gerencia.

Ayer tardi den conversacion cu DIARIO tabata tin cu Sr. Ronny Harmonie kende hunto cu Sr. Ronny Koolman lo opera e casino temporalmente a ser splica na DIARIO cu e casino a ser cera solamente pa un inventarizacion tuma lugar, ya cu e contrato cu Sr. Ron von Kaenel a expira, y cu nan dos a ser acerca pa sigui opera e casino temporalmente te ora cu e casino haya operador nobo. A ser splica na DIARIO cu mayoria di e trahadornan a ser poni na altura ayera tardi di e ceramento y a ser splica na nan cu ta solamente pa e inventarizacion tuma lugar y cu awe tardi 3 or e casino lo habri normalmente atrobe.

DIARIO a conversa ayera anochi cu Sr. Noppy Henriquez kende a confirma tur esaki y a splica cu Aruven a warda te ayera tardi pa tuma e medida pa evita cu rumornan negativo lo wordo circula. Ayera tardi el a pone Gerente di Aruba Palm Beach na altura, y tambe a reuni cu representante nan di FTA, Sres. Pontilius, Krozendijk y Geerman ariba esaki ayera anochi.

Tur e trahadornan di ayera a haya e atardi y anochi liber y cu pago normal. FTA no tabata contento si cu e manera cu e cambio aki a ser haci pero a ser muestra cu ningun hende ta ser perjudica den e cambio aki y cu awe tardi 3 or e casino lo sigui opera normal.

E contrato cu tabata tin cu Ron von Kaenel a expira te cu Aruven a prolonga esaki pa dos siman mas y esaki tambe a expira, pesey a dicidi di pasa e casino den man di e operadornan local temporalmente, mientras cu ta negociando cu e gruponan interesa den e operacion di e casino. Pa e traspaso tuma lugar na un manera suave, a cera e casino ayera pa e operadornan nobo haci nan investigacion, tuma inventario di materialnan di wegá etc.

Aruven tin intencion di huur casino pa suma fiho mensual

ORANJESTAD: Den conversacion cu DIARIO tabata tin ayera cu Sr. Noppy Henriquez, Presidente Director di Aruven, a ser splica cu Aruven ta negociando actualmente cu varios candidato interesa na opera casino di Aruba Palm Beach Hotel.

Ideal lo ta si e fianza pidi na Hulanda wordo aproba pa renobacion y expansion di e hotel aki y pa Hyatt haya e hotel pa opera y e ora ey lo alquila e casino cu e cadena hotelera aki pa dos aña.

Un di e intencionnan di Aruven ta pa alquila e casino pa un suma fiho pa luna. Di e manera aki e operador ta percura pa paga e huur tur luna adelantá, y tur resto di ganashi lo ta di e operadornan y si tin perdida esaki lo core pa cuenta di e operadornan mes. Intencion ta pa no huur e casino pa mas cu dos aña.

Violencia a domina den weekend

ORANJESTAD(AAN)—E weekend cu a pasa tabata un weekend caminda agresividad a domina, y no casonan di ladroneria.

Na Sabana liber un yiu homber a lanta cu familia y despues contra polis te hasta kibra bentana di vehiculo policial.

Ariba tereno di bala tabata tin violencia te cu dos equipo a lanta cu otro ariba tereno y cu arbitro tambe a ser agredi y a saca arma spanta tur hende.

Den Dominicanessenstraat un homber a ser ataca pa un homber y un muher y a ser kita 75 florin di dje, locual por lesa den e edicion aki tambe.

Na Tamarijn un joven di 20 aña a yega cas bao di su awa bringa cu su tata, kibra tur cos den cas, sali pafo schop auto di su tata, despues drenta su mes auto y bao di influencia y sali bay. No a dura mucho sinembargo cu polis a topa cu e joven aki banda di warda di polis mes, para e vehiculo y detene e joven. El a haya un cuarto gratis pa pensa ariba con pa domina su agresividad ora e ta betrá;

Diasabra anochi na un refresheria na Sabana Grandi tambe tabata tin violencia.

Aki un homber a cana yega y cuminsa haci fastioso mes ora.

Polis a ser yama y mes ora patruya a bay na e sitio y a bin topa cu e homber M.A. cu a declara cu e homber P.A. cu tabata ariba lista di personanan prohibi pa drenta den su negoshi a bin busca problema eyan.

Na momento cu polis tabata conversando cu doño di e negoshi, P.A. tabata

sinta den su auto.

Ora cu M.A. a caba di papia cu e polisnan, el a tuma direccion di e auto di Yegando aki el a habri porta, saca P.A. for di auto y a hale cu un paar di mokete P.A. cu no tabata tin su man mara a dicidi di los su brazanan tambe y a contesta e moketenan back.

Polis e ora ey mester a hunga papel di arbitro pa calma e dos boxdonan y evita lo peor entre nan dos.

Ningun di dos sinembargo no kier a duna keho contra otro.

Den otro caso cu tambe tabata tin agresividad un muher a ser lesiona door di un homber.

Polis di San Nicolas diasabra a ser dirigi pa Noord Cura Cabay pa duna asistencia.

Aki nan a bin topa cu e dama A.A. di 45 aña kende a decalra cu for di mainta 11 or su mama di 70 aña a bin cerca dje y tabata keha di dolor rond di su curpa.

Segun declaracion di e mama na su yiu, algun rato prome e tabata ariba tereno di cas y un homber desconoci pa su persona a yega cerca dje y a cuminsa listra su curpa pa mira si e tin placa cune.

Ora cu e mama a resisti y laga sa cu e no tin placa, e homber a bira violento y a hisa e muher di edad grandi y benté abao.

E muher den e caida a lesiona su curpa y a keda keha di dolornan cu el a haya despues di e caida. Polis a busca den vecindario pero no por a logra mira ningun persona sospechoso cu tabata cuadra cu e descripcion duna.

I.M.F. ta yuda set up Banco Central

ORANJESTAD(AAN)—Gobierno di Aruba a acerca Fonfo Monetario Internacional pa yuda set up e banco central di Aruba entrante prome di Januari.

Señor Mehran, un experto di I.M.F. lo bini na November proximo y lo haci tur trabao preparatorio relaciona cu establecimiento di e banco central.

Despues na otro aña prome cu luna di maart lo bini Aruba señor Anthony Williams kende lo fungi como director di e banco central Arubano pa tres aña.

Desde aña 1952 señor Williams ta traha cu Bank of England, recientemente como secretario di e banco.

Actualmente e ta ocupa e puesto di deputy governor na Bank of Zwaziland.

Tambe e tabata conse-

hero di Central Bank di Jordania.

Segun Servicio informativo di Gobierno, Gobierno di Aruba ta masha satisfecho cu e coopera-

cion cu Fondo Monetario Internacional ta ofrece Aruba y asina ta demostra cu nan tin confianza den Aruba y su futuro.

Arbitro a bay dirigi wega di futbol bon arma

ORANJESTAD(AAN)—Diadomingo atardi polis a ser pidi pa presenta na tereno di San Luis Deportivo na Savaneta, unda un pelea formal tabata tumando lugar.

Ora cu polis a yega na e tereno di bala nan a bin tende cu ta dos equipo di division tres a lanta contra otro y esaki a pone cu e arbitro mester a suspender e partido.

Despues cu e arbitro a para wega e hungadornan a lanta contra arbitro y tabata tin tambe bastante discusion te cu e fanaticonan tambe a lanta contra arbitro pasobra el a para e wega.

Pero e arbitro aparentemente no tabata tin temor ya cu el a bay wega bon prepara y na dado momento a saca un pistol, y aki si tur hende a paraliza mirando e arma di fuego.

Ora polis a bay papia cu e arbitro ariba posesion di arma ilegal, y a confisca e arma, a bin resulta cu tabata trata di un pistol di hunga.

INVITACION

SINTONIZA TELE-ARUBA

A WE NOCHI PA 7:30

PA UN PROGRAMA SPECIAL DI A.V.P.

NA PALABRA: HENNY EMAN



Turismo ta conta pa San Nicolas tambe

ORANJESTAD (AAN)

Atrobe San Nicolas ta orguyoso di ta testigo di un otro contribucion pa Turismo, cu pa hopi aña comerciantenan poco pesimista no a spera. Den nomber di e algun atento comerciantenan a logra instala un borchil dilanti Warda di Polis pa asina duna un mehor indicacion na bishitantenan unda sigui pa nan drenta Mainstreet y de mas infraestructura di San Nicolas.

Pa medio di e borchil aki lo ta un ayudo hopi significativo pa extranheronan haya San Nicolas Mainstreet, cual a wordu corta for di bista door di e Promenade mes. Awor ta di spera cu otro cambionan of contribucionnan real lo sigui pronto pa asina San Nicolas su comercio por

probecha un poco mas cu Turismo pasobra despues di Lago, pa San Nicolas tambe Turismo ta conta.

Otro luna e high season ta habri y lo dura te na Maart. Pa esaki ya a percura pa cuminsa trece turistanan San Nicolas na gran escala. Numeroso contacto a wordu haci caba cu esnan encarga cu cruceronan y lineanan aereo cu ta destina pa bishita Aruba awor.

Hotelnan, Rental Services y Sightseeing Tours a wordu consulta y orienta. Fuera di un 10,000 ehemplar di un Roadmap cu a ser buta den circulacion. Tambe San Nicolas Business Association a contribui cu imprenta special di 10,000 Discount Coupon Books pa San Nicolas y cu ya ta den uso tambe.

Cu e mas di 130 crucero y lineanan aereo cu ya ta confirma pa bishita Aruba entrante otro luna, seguramente e comercio di San Nicolas mester por adquiri un bon parti durane e temporada aki. Pero, locual caba a ser haci no ta basta.

Ta e comerciantenan mester ta mas optimista awor y nan mester ta dispuesto pa colabora y envolbe nan mes pa atrae turismo pa nan mes bienestar. Nan mester averigua kico por ofrece e turistanan y con! Situacion berdaderamente por ta malo, pero mester haci esfuerzo pa e no bira PEOR!

Den Promenade tambe desde Juni 22 e aña aki tabata tene e popular actividad Mercado Sabatino for di 3:00 pa 8:00 P.M.,

pero gradualmente a converti su mes mas bien actualmente na "alegria den Promenade" for di 4:00 pa 8:00 p.m. Esey ta debi na falta di e participacion di no mas cu 42 Organizacion di San Nicolas cu a ser invita pa bin bende nan articulonan of cuminda den un estilo Fleamarket. Na varios ocasion e turistanan a keda decepciona ora nan a bishita e Fleamarket. Pero te December e Programa Alegria den Promenade lo sigui tur Diasabra. Y naturalmente ta di spera cu fuera di nos diferente Organizacionnan of agrupacionnan di San Nicolas tambe lo spera cu algun comerciante tambe por participa den e programa cu sea exposicion, venta, show, promocion, of algo por el estilo.

Finalmente por participa tambe cu porfin e afamado programa Sanfiesta por cuminsa atrobe. E Sanfiesta lo cuminsa dia 7 di November proximo, entre 7:30 pa 10:30 p.m., anto den Promenade. Gran parti di e tardanza tabata debi na un carta di Gezaghber Bislip pa move e Sanfiesta pa Promenade.

Cualquier comerciante di San Nicolas cu tin algun sugerencia of idea relaciona cu desaroyo di San Nicolas por tuma contacto cu un di e siguiente: San Nicolas Business Association, San Nicolas Task Force, Sanfiesta Committee, San Nicolas Promenade Committee, Charlie's Bar Boozers, of Hill's Talent & Publicity Promotion Network.

Pabien na sr. Felipe Tromp

ORANJESTAD(AAN)—
Sr. Betico Croes na nom-

ber di MEP a dirigi un telegram di felicitacion na

B.P.A. lo no cobra boet

ORANJESTAD(AAN)—
Biblioteca Publico ta participa na tur su miembronan cu pa luna di october lo no cobra boet ariba bukinan cu ta ser entrega laat.

Ta pidi e miembronan pa coopera pa asina Biblioteca por haya tur su bukinan bek pa otro miembronan tambe presta buki.

Pa esnan kendenan ta desea di bira miembro e aña aki ainda tin prijsnan di contribucion special.

Adulto na Oranjestad ta paga 15 florin; adulto na San Nicolas ta paga 6 florin; hobennan te cu 18

aña y studiantenan 6 florin; mucha 3 florin, un abono pa famia lo costa 25 florin.

Pa schoolnan basico lo tin un abono pa klas na razon di 15 florin.

Biblioteca Publico ta spera cu hopi hende mas lo probecha pa bira miembro di Biblioteca y engrandecede nan conocimiento ariba diferente tereno pa medio di lectura.

Corda cu Biblioteca ta pa bo.

MARTIN TRADING Co.
POETSKATOEN
Tel. 21492 EAGLE

Sr. Felipe B. Tromp durante weekend cu a pasa, den cual e ta bisa cu ta cu gran honra y satisfaccion cu "nos a ricibi e participacion di gobierno di reino cu bo persona a keda nombra como promer Gouverneur di Aruba, no solo esaki ta un reconocimiento cu e voordracht tabata bon, sino tambe cu bo nomber lo keda graba den anales historico di Aruba como promer Gouverneur.

"Movimiento Electoral di Pueblo ta sinti su mes awe sumamente orgulloso cu su proposicion cu a haya apoyo di AVP y PPA, a ser acepta pa Su Mahestad La Reina.

"Nos ta extende nos mas sincera felicitacion na bo persona y bo distinguida familia y nos ta desea bo forza y sabiduria den tan noble funcion".

Arucar Garage Sale

DIASABRA AWOR 5 OKTOBER di
8'or pa 12'or

PIEZA PA AUTO NA UN PRIJS INCREIBLE

Entre otro:

**MUFFLER
RADIO
FLASHLIGHT
BOOSTER
Y HOPI MAS**

Pasa serca nos y convense bo mes cu
ARUCAR ta duna bo hopi mas pa menos placa

**ARUCAR
ALWAYS**

The Best.

SABANA BLANCO 35
TEL: 23055 - 21208

Jaycees cu asamblea basa ariba paz

ORANJESTAD(AAN)—Durante un conferencia di prensa teni ayer pa e organizacion di Jaycees di Aruba, informacion a ser duna di e convencion nacional di Jaycees cu lo ser teni e siman aki na Aruba.

Sr. Tito Sapiano, presidente Nacional di Antillas di Jaycees a duna splicacion di e convencion cu ta cuminsa dia 3 di e luna aki

esta diahuebs awor, auspacia pa Jaycees di Aruba.

Durante e convencion, segun Sr. Sapiano ta Aruba Female Jaycees ta esnan cu mas bien ta auspacia e convencion y lo ser eligi tambe directiva nobo pa 1986, eleccion di lugar di convencion pa otro, lo escoge tambe lugar pa e reunion bi anual, y duran- te e convencion lo tin

tambe aprobacion di asun- tonan financiero y relato- nan encunto esaki.

Un di e puntonan ta cu relato di programa di aña lo ser treci dilanti y e di- rectiva lo mester muestra tambe con supervision ta- bata ariba e diferente ca- pitulonnan ariba e seis isla- nan, si e servicio duna na e capitulonnan tabata ade- cuado y cu nan responsa-

bilidad ta cuadra cu e pro- mesanan di convencion pa- sa.

Durante e convencion aki lo tin cursonan pa direc- tiva ariba nivel local, ariba nivel nacional y tambe lo tin curso di manage- ment, y un curso nobo cu ta ser duna door di un equipo di entrenadornan mental. E personanan aki a

haya un entrenamiento spe- cial durante congresonan mundial di Jaycees Inter- nacional.

E convencion e aña aki tin un tema deriva di e te- ma internacional North South Cooperation thru young people.

E tres topiconan cu ta cay bao di esaki ta coope- ral. Sigui lesa pag. 14



ATENCION

M.E.P.



TA INVITA CORDIALMENTE TUR SU:

lidernan di bario, votadornan

Y HENTER PUEBLO DI NOORD Y TANKI LEENDERT, PA ASISTI NA UN

reunion organizatorio

PA ELIGI E DIRECTIVANAN DI RESPECTIVAMENTE DISTRITONAN Ariba MENCIONA:

LUGAR: CAS DI SR. FELIX FLANEGIEN... NOORD 23

ORA: 7.30 ANOCHI

DIA: DIARANZON, 20 DI OCTOBER 1985

PRESENCIA DI UN Y TUR LO TA ALTAMENTE APRECIA

MEP a priminti MEP a cumpli
MEP ta e garantia pa Aruba su economia
Betico:Ministro Presidente



Na Aruba Beachclub Ernesto Velasquez pool attendant y Juan Donata Bell Captain a gana e concurso di sonrisa entre empleadonan. E premionan a ser entrega door di Sr. Humphrey Hardeveld managing director y Sra. Roselyn Marugg guest relations y marketing and sales manager.

Laboratorio ta paga pa quimica y no pa aparato Astra

ORANJESTAD(AAN)—Segun informacionnan cu DIARIO a ricibi ayera, pa e aparato ASTRA-8 di Landslaboratorium, Landslaboratorium no ta paga ningun cent pa huurmento pero si ta paga pa e productonan quimico cu tin mester pa haci e 13 sorto di analisis ariba e aparato aki.

Manera ta conoci, si- man pasa DIARIO a rela- ta di e aparato aki, y cu Landslaboratorium lo al- quila esaki pa 5 mil dol- lar pa luna pa un periodo di tres luna, na lugar di cumpra e aparato pa 57 mil dollar, manera a ser pidi segun carta di 4 di april di e aña aki na mi- nistro di Salubridad Pu- blico y cual aparato lo ser entrega door di Beckman Instruments Inc.

Ayer DIARIO a haya e informacion confirma oficialmente cu e aparato no a ser cumpra sinem-


bargo ni ta wordo alquila, pero cu e aparato ta ser instala y Laboratorio ta paga solamente pa e pro- ductonan quimico cu ta ser usa pa e analisisnan haci pa e aparato.

Segun e informacion confirma oficialmente ayera, si mester a cumpra tal aparato, lo el a costa hopi mas caro debi cu den un caso asina, labora- torio mester a paga tanto pa e productonan quimi- com como e prijs pa e aparato mes. Tambe cu e oferta special aki sola- mente tabata posibel si a cumpra e productonan quimico 3 aña largo cerca e firma.

Na Laboratorio na Cu- racao tambe tin dos di e aparatonan aki den fun- cion, segun e informacion ricibi, y cu e aparato ta solamente na bienestar y progreso di un laborato- rio.

National
Room Air Conditioners

IT'S TIME TO...
Air Condition!



Sonido Suave
Super Barata na Energia

BTU	Cash & Carry	of 3 luna di	of na credito
7,000	675,-	249,-	65,-
10,000	785,-	289,-	80,-
13,000	910,-	335,-	90,-
18,000	1295,-	475,-	130,-



UNICON

Fergusonstraat 41
Tel.: 23555



Antillean Mercantile Corporation


Lagoweg, San Nicolas, tel.: 46016/45635
Havenstraat 32, Oranjestad, tel.: 21804/21445



Diamars oct.1
12:00/2:00 Take Two
6:00 Powerhouse
6:30 Kiko ta saludable
6:45 Guadalupe
7:30 13 musical
7:45 Pa un Aruba sigur
8:00 Telenpticias
8:30 Culturama
9:00 Three's a crowd
9:30 Falcon crest
10:30 International news
11:00 Showbiz today
11:30 Sport tonight
12:00 Clausura

BOTICA NA WARD
SEPT.28 - OKT.4
BOTICA ODUBER

MARTIJN TRADING Co.
POETSLAPPEN
Tel.: 21492 EAGLE



FLS 75.-

PIEDRA PLAT
ENTERPRISES

Heinz Hitler tabata e sobrino di Adolf Hitler. E tabata yiu di su mitad-ruman Alis Jr. y a bringa na Stalingrad, na unda el a ser captura pa e Rusonan. E a muri den captividad. *

Ta te na aña 1932 un muher a ser elegi pa Senado na Merca. E tabata Hattie Caraway, un democrata di Arkansas. E prome muher apunta como Senador tabata Rebecca Felton, un democrata di Georgia, na aña 1922.

BOTANICA
'ASTRO SUERTE'
BO UNICO Y ORIGINAL CENTRO DI
SUERTE-AKI NA ARUBA
ARENDSTR. No. 22A TEL 23628

"LA SIBILA"
BO PALACIO DI SUERTE
KERKSTR. No. 13 - Tel 23811

CAMINDA UN Y TUR
TA COBRA SIGUR !

ZULIA 70776 70114
CARACAS 01626 92456 65889

RESULTADO	1o. PREMIO	5279
SUERTE DI	2o. PREMIO	6145
PUEBLO	3o. PREMIO	9817

SUERTE DI PUEBLO

NUMBER

ADRES

MI NUMBER DI 4 CIFRA TA:

E COUPON AKI TA VALIDO
PA E CORTEO DI:

OCT. 1

PROME PREMIO:

Fls.100,00 OF UN MACUTO DI PRODUCTO

SEGUNDO PREMIO:

Fls. 50,00 OF UN MACUTO DI PRODUCTO

TERCER PREMIO:

Fls.25,00 MAS UN MACUTO DI PRODUCTO
SPONSERNAN.

SORTEO POR WORDE PRESENCIA PA PUBLICO TUR
ANOCHI PA 10'or VIA RADIO VOZ DI ARUBA.

DEPOSITA E COUPON AKI NA VOZ DI ARUBA OF NA
CANAL 90 PROME CU 6 or ATARDI

HOROSCOPO

TA PRESENTA

TEL 26220

EL BARATILLO
NOS A MUDA PA LUGAR NOBO
COLUMBUSSTRAAT 9A

ARIES(21 maart - 20 april)

Bo ta spera cu bo generosidad ta scapa bo di un situa-
cion malo. Por ta cu si, pero ainda e situacion ta keda
malo.

Bo number pa awe 027.

TAURUS(21 april - 20 mei)

Cos por ta malo awe, y bo beis ta cambia. Anochi con-
sidera bo finanzas y no pasa e limete.

Bo number pa awe 318.

GEMINIS(21 mei - 20 juni)

Haci loke ta bon pa bo reputacion. Si bo conversa cu un
bisiña, no contraduci of demostra bo mes contra of pro
di algo.

Bo number pa awe 929.

CANCER(21 juni - 22 juli)

Un amigo leuw por tin un mensahe riba cual bo tabata
warda. Si bo sali awe nochi, lo mester ta corte cu tur
hende.

Bo number pa awe 777.

LEO(23 juli - 22 augustus)

Un bisiña por iritabo ponebo bira furioso. No lasa bo
voz. Si bo ta sinti algo drastico haci di un manera trankil.
Bo number pa awe 173.

VIRGO(23 augustus - 22 september)

Nan lo pldi bo pa bo haci algo cu realmente ta trabao di
otro hende. Sali awe nochi lubida inhusticianan.

Bo number pa awe 996.

LIBRA(23 september - 22 october)

Bo por pasa hopi bon cu trabao. E por ta involvi hen-
denan liber. Un cita awe nochi den tur aspecto por re-
sulta den un fracaso.

Bo number pa awe 086.

SCORPIO(23 october - 22 november)

Bo ta deshaci di areglonan tuma pa futuro inmediato
door di un compañero(a) of casa. Bishita esnan cu bo
ta admira awe nochi.

Bo number pa awe 245.

SAGITARIO(23 november - 21 december)

Bo sentimentonan pa un hende cu bo ta mira tur dia
ta cuminsa bruha. Trata di wak su bondadnan no crea
miedo.

Bo number pa awe 711.

CAPRICORNIO(22 december - 19 januari)

Un yamada di distancia largo por dura mucho, pero bo
no mester bira bruto. Anochi por tin bon conversacion
cu amigonan.

Bo number pa awe 848.

AQUARIO(20 januari - 18 februari)

Bo ta sinti hopi laf awe y bo ta preocupa pa bo salud.
Tin un ambiente solemne. Awe nochi bo por bay lu-
gar cu ta nobo pabo.

Bo number pa awe 970.

PISCIS(19 februari - 20 maart)


Haci algo pa kita un molester for di bo. Por ta difcil lo
dura un tiki. Anochi sali keiro.

Bo number pa awe 780.



Ariba e foto aki por mira e equipo di Curacao cu a gana mayoria di trofeonan den campeonato Antillano di tennis.

MARTIJN TRADING Co.
BRONS IN STAVEN
Tel.: 21492 EAGLE



Robby Dommacasse cu a kita e trofeo di campeon antillano di tennis di Carl Phelipa e weekend aki den tres set.

Aruba Video Center

CU NOS **SATELLITE ANTENNA**
BO TIN MUNDO BO DILANTI TUR HORA..

12' F. 5850
16' F. 10.000

ADEMAS CU PRIJS ESPECIALMENTE
REBAHA
NOSTIN PA BO

oCTOBER

VIDEO CASSETTES CU MIHO
PELICULAY MIHO PRIJS.....

1.50

MISSING IN ACTION PART II
PORKY'S REVENGE
9 DEATHS OF THE NINJA
FRATERNITY VACATION
THUNDER WARRIOR

ARUBA VIDEO CENTER
O'stad Sta. Cruz

QUE GANCA!
DI
ESUN DI PROMER...Y..
ESUN DI MIHOR....

Aruba
Video
Center



Ito Dania bolerista di aña

Ariba e foto aki por mira Sres. Ito Dania y Eddy Leest cu nan trofeo gana durante e conurso di bandanan chiquito y Ito como bolerista di aña.

Eddie Leest ta director di e agrupacion Seleccion Musical y Ito a bira bolerista acompaña pa e grupo aki cu a bira banda chiquito di aña. E bolero di Ito tabata "Mi Curazon", di RR. Cu e titulo aki Ito Dania awor ta posee no solamente titulo di rey di tumba, pero tambe titulo di salsa y awor titulo di bolerista.

„Seleccion Musical ta un di e agrupacionnan cu ta conta den bandanan chiquito, mas popular actualmente. Nan popularidad ta sinta den animacion di fiestanan familiar na cas di hende, manera fiesta di cumpleaños, matrimonio, aniversario, y hasta fiesta di bautismo. Pa fin di aña Seleccion musical tin intencion di bini ariba plaza cu un 45 cu ariba dje un tumba y un cadans. E otro cantante di e grupo cu a participa den e conurso organiza pa SV Jong Aruba tabata Mario Croes cu ta e otro cantante fiho di e grupo. Por contrata e grupo via Eddy na Sabana liber 99.

Estrella ta busca titulo awe nochi pa celebra su 37 aniversario

ORANJESTAD(AAN)—Awe nochi den Lago Sport Park, e naranjadan di Santa Cruz, Estrella ta sali en busca di nan prome titulo di campeon den ultimo 8 añanan, ora cu nan subi tereno den e segundo partido di playoff final contra Dakota.

Estrella diasabra ultimo a pica dilanti den e serie ganando e prome encuentro 3-0 di manera cu awe nochi ta solamente un empate nan falta pa titula campeon di Aruba pa di cuatro biaha den historia di e equipo den division mas halto di futbol Arubano.

E expectativa ta cu awe nochi Estrella lo cumpli cu esaki tambe, mirando con nan a hunga nan ultimo partidonan, pero Dakota cu ta e equipo cu ta se considera esun mas fuerte di nos isla, lo no laga e titulo slip for di nan con cu ta tampoco, y awe nochi lo subi tereno cu intencion serio di gana y forza un wegá decisivo diasabra awor.

Diadomingo dia prome di september tabata exactamente 37 aña pasa cu fere Fredericus hunto cu algun frere mas y Sr. Laudoro Wester(q.e.p.d.) a bin hunto pa funda Sr. Jozefbond "Estrella". E equipo a cuminsa hunga den schoolverband y atravez di añanan a crece y bira un gigante den deporte Antillano.

St. Jozefschool cu awor ta carga e number di Colegio San Hose, a fungi como e prome cuartel general di Sr. Jozefbond "Estrella" cual number a keda abrevia despues pa S.V. Estrella.



DEPORTE

Estrella sinonimo cu futbol

ORANJESTAD(AAN)—Na Aña 1955 Estrella orgullosamente a inaugura su propio clubhuis cu ayudo di e antes P.R. /I.R. manager di Lago Bert Teagle. Miembro y habitantenan di Santa Cruz desinteresadamente a tuma menos di 10 luna pa construi e edificio y pesey e plannan pa construi un judolo-kaal, un werkplaats y un sala di reunion tambe a bira realidad den corto tempo.

No por menciona number di Estrella sin menciona of pensa ariba futbol. Ta algo masha logico como cu den e ramo aki Estrella a sabi di luci mas tanto., Estrella a cuminsa 37 aña pasa scomo un simpel equipo juvenil y awe nan por mira atras ariba un brillante carrera. Na aña 1958 Estrella a promove pa e division di mas halto di nos futbol y a permanece ey te cu awe gracias na e gran esfuerzo y perseverancia di su fiel hungadornan. Ora bo tende nombrenan di Candi Wernet, Roman Kock, Fenchí Dubero, Chinto Werleman y hopi otro number mas, ta hopi grato recuerdo esakinan ta trece cune pa e cantidad grandi di fanaticonan cu a sigui fies cu Estrella atravez di e 37 añanan.

Funchal Bar a reta surprise pa reto di aña

ORANJESTAD(AAN)—E equipo di billard di Funchal Bar, a reta e equipo Surprise pa un partido diasabra awor 2.30 or den Funchal Bar, pa e dos equiponan aki dicidi cual ta e mihor equipo di billard actualmente.

Surprise, segun ta ser comenta tabata e mihor equipo den e torneo recién di Kwihi Inn pa Copa Sr. Franken, cual copa rotativo aña pasa tabata carga number di Copa Betico Croes.

"Surprise a wordo expulsa for di e torneo pa motibo di cierto indiferencia cu a tuma lugar door di arbitro cu carta di entega.

Un hungador di Kwihi Inn a lanta contra capitan di Surprise y un di su mes hungadornan a keda lesiona y nada no a pasa.

Funchal Bar Billard Team cu ta cam-

peon di Copa Urataka di Oro y te awe ta spera pa e Copa aki wordo traha pa nan por haya, a dicidi di reta "Surprise" pa 10 caha di cerveza pa demostra cu nan ta e mihor equipo actual y no Surprise manera ta ser comenta.

Ayera e comentarionan den seno di hungadornan di billard tabata hopi ariba e reto aki, ya cu Surprise ta ser considera como e equipo di baranca entre e grandinan, y Funchal cu recientemente a sali di chiquito drenta e grandinan ta ser considera e equipo cu tur team di billard mester respecta pa nan progreso di ultimo añanan, subiendone pa top di mundo di mesa verde.

Sigur ta cu e reto aki lo ser presencia pa e mihornan ariba nos isla y tur deseo ta pa e reto aki tuma lugar mas deportivo posibel, habriendo caminda pa otro reto nan ariba mesa verde cu seis buraco.

Tur club mester presenta pa apertura di campeonato di Basketball

ORANJESTAD(AAN)—E aña aki pa e campeonato di basketball tur club mester presenta pa apertura pasobra e mes anochi aki, diaviena awor, lo dicidi cualnan lo ta e equiponan cu lo enfrente otro, ademas di e partido entre campeon di aña pasa Gold Crown y equipo cu sali cu lot di e anochi.

Lo tira lot despues di

desfile pa dicidi cual equiponan di cual division, sea junioren, veterano, damas o B. clase lo hunga e prome wegá.

Pa e campeonato aki tur hometeam mester percura pa bala. A clase ta hunga 5 vuelta, veteranos 3 vuelta y demas lo hunga 4 vuelta.

Playoffnan lo ta fin di maart otro aña si tur cos bay manera ta planea.



Oktober Cash Specials
150/o Off ariba:

Autobody repair products
Leishi di madera & plastic
Wall panelling 4 x 8
Plywood, spanplaat, T-111
Martiw y Pliers
Routers & air compressors
Slot & Kandal
Plafond-tur tipo
Sink, Asbestos
Aluminium & rubberoid
"Dremel" mini powertools
Madera/200/o OFF
B.J. ARENDS & SONS
Hardware & Bldg. Materials
O'stad-Dakota-San Nicolas
"Valor na prijs decente"

Scholl
HOSETTES

Awor den paki nobo



E meya mas
comfortabel
pa bo pia

Agente: Oduber Agencies N.V.

Pa orders:

Aruba 25333

Bonaire 8821

Curacao 54566

St. Maarten 3542

Pre X-Mas Sale TE CU DIA 5 OCTOBER

30%
15%

Ariba SET DI LAKEN CU SLOPI.

Ariba TUR COS

TIN PARKEERPLAATS
PATRAS DI TIENDA.

decor
home fashions

STEENWEG 14

Flor seco di Hulanda.
Macutu di Ratan
Dekens
Beddensprei
Cortina pa Cushina
Cortina pa banjo
Serbete
Weegschalen
Mat y Tapijt pa banjo
y un surtido grandi di tur
sorto di articulo di regalo.



Punta pa nos
LAYAWAY
PLAN



Na Licores Aruba a tuma lugar bautismo di uniform di e equipo di futbol veterano Union Ronrico, cu ta un equipo di Santa Cruz. Ariba e foto aki por mira algun di e hungadornan y tambe Sra. Karin Fingal madrina di e equipo cu a efectua e bautismo di uniform.

Estrella en busca di su di cuatro titulo di campeon

ORANJESTAD(AAN)—Awe nochi Estrella ta busca su di cuatro titulo di campeon di Aruba, y si nan no logra awe cu un victoria of empate, nan lo trata esaki atrobe diasabra venidero.


Estrella a gana titulo di

Aruba na 1969, na 1973 y na 1977. Sub campeon nan a bira na 1960-1961-1965-1967-1970-1971-1972-1974-1975-1978-1981 y tercer puesto nan a ocupa na 1982-1983 y 1984.

Estrella a bira campeon

di Antillas na 1970 tambe.

Estrella a bira subcampeon di Antillas na 1968 tambe 1969 y entre 1971 y 1981 nan a logra tres titulo di subcampeon antillano di cual e recorren lastimamente a bay perdi.



Durante weekend cu a pasa posternan di luz a ser instala na pista di drag Palo Marga door di miembronan di FINCAR, organizadornan di e evento internacional di drag otro luna. Un trabao tremendo a ser haci no solamente cu instalacion di e posternan di luz pero tambe cu pasamento di cabelnan. Henter e pista di drag asina lo ser cubri cu luz pa caredanan

anochi. E proyecto aki ta costa algo mas cu 70 mil florin na material.

E luznan ta di 1500 watt.

E seriedad di FINCAR no ta ser demostra solamente cu e trabaonan aki, pero DIARIO ta na altura cu no ta pasa un anochi cu e comision aki no ta reuni ariba preparacionnan di e caredanan internacional.

Aruba 2nd fire prevention 10 km

ORANJESTAD(AAN)—Diadomingo 6 di october e cuerpo di Bombero di Aruba lo duna inicio na su programa anual di di candela, den forma di un careda na pia riba un distancia di 10 km.

E careda aki ta wordo organiza pa di dos biaha y ta di spera cu e careda aki bira un exito mas grandi ainda cu aña pasa, na unda un total di 69 coreador a participa.

Ya caba hopi coreador renombra a inscribi, y Idefre kier anuncia pa medio di e comunicado aki cu diahuebs atardi te cu 4.00 lo ta e ultimo dia pa inscribi.

Tur coreador por fabor tuma bon nota di e ultimo fecha di inscripcion.

Na momento di inscripcion tur participante lo ricibi nan number y t-shirt.

Den e promer relato di prensa tabata tin un error chiquito den e categorianan di edad.

Aki ta sigui e categorianan corecto:

Juniores 18 y menos

Open class 19 - 29 aña.

Sub master A 30 - 34 aña.

Sub master B 35 - 39 aña.

Master A 40 - 44 aña.

Master B 45 - 49 aña.

Master C 50 aña y mas.

Aña pasa un di e atraccionnan grandi tabata e participacion di e coreador ciego cu a atende e congreso di CACEFI, Sr. Harry Cordellos.

Sr. Cordellos, acompaña pa sr. Mirto Lacle a core e 10 km den un tempo di 51 minuut y 26 seconde.

E ganador di e careda aña pasa, e conocido joven Steve Duzazon, ta na Hulanda pa motibonan di estudio, y no por defende su titulo.

Su tempo tabata 36.01.

Aki ta sigui e lista di e diez promer finalistanan di e prome fire prevention 10 km di aña 1984.

1 - Steve Duzazon 17 aña 36.01.

2 - Gerald Arindell 22 aña 37.17.

3 - Robert Arends 29 aña 37.34.

4 - Fabian Tromp 40 aña 38.07.

5 - Eddie Voz 19 aña 38.51.

6 - Marlon Hildalgo 19 aña 38.54.

7 - Hector Loopstok 24 aña 38.57.

8 - Angel v.d Biezen 16 aña 39.38.

9 - Rinus de Graaf 48 aña 40.26.

10 - Lia Melis 24 aña 40.34.

Pa e ganadornan lo tin den cada categoria di edad un trofeo pa e ganador y medallas pa e segundo y tercer lugar.

Pa stimula participacion di coreadornan femenino, Cuerpo di Bombero lo pone un extra trofeo disponibel pa e dama cu drenta no.2.

Varios impresa a duna nan aporte y entre tur e finalistanan lo rifa algun paar di running shoes.

Tambe tur participante lo ricibi un certificado.

Idefre y Cuerpo di Bombero ta haci un apelacion riba tur automobilista pa duna nan maximo cooperacion na e coreadornan.

E comienzo lo ta na altura di Concorde Hotel pa 6.30 di mainta.

Tur participante ta wordo recorda cu nan mester check in entre 6.00 y 20.00 pa 6.

Esnan cu no check in prome cu e careda start, no por bini na remarke pa un premio y nan number lo no aparece riba e lista di e resultadonan oficial.

Lotto a keda den

ORANJESTAD(AAN)—Pa e siman aki prome premio di Lotto pa Deporte lo por yega of sur-

pasa 10 mil florin como prome premio ya cu e prome premio di siman pasa a keda aden.

E suma tabata 7191 florin y e expectativa ta cu e siman aki un feliz ganador of mas lo por bay cu e premio cu sigur lo yega 10 mil florin.

E segundo premio cu tabata 3393,07 florin si a ser gana y pa 33 formulario y cada un lo ricibi 102,82 florin. E numbernan di siman pasa tabata 47-8-24.



Limpieza di tubo di awa

ORANJESTAD(AAN)—
Awe W.E.B. ta haci tubo-
nan di awa limpi den e
distrito di San Nicolas.

For di 8 or di mainta
te cu 6 or di atardi pre-
sion di awa lo ser afecta
den viviendanan cu ta si-
tua ariba e sigiente caya-
nan: Nuyenstraat, B. van
der Veenstraat,
Rembrandstraat, Ruys-
daalstraat y Jan Steen-
straat.

MARTIJN TRADING Co.
INDUSTRIAL TAPES

Tel.: 21492 EAGLE



BOLS

CU PEPSI: PEPSI-TIC



HUBERT SALAS & Co.

Koningstraat 86
TA BUSCA

CHAUFFEUR

CU RIJBEWIJS "C"

Pasa personalmente durante oranan di trabao.

TA HUUR

Na SERO BIENTO 26

Un Apartamento nobo completamente muebla
(zitje, cushina, camber, baño, porch tur apart)
Ideal pa soltero(a) of pareha, situa den un bario
trankilo.

Pa mas informacion yama Tel. 22169/28072


Tin Oportunidad pa siña Cose

na

LE PETIT BOUTIQUE

Por inscribi te cu diasabra
5 di oct. 1985

Pa mas inf. yama 32620



Boutique

GARDENIA

Ennia Shopping Center
NASSAUSTRAT 85

Cuminsando awe cu un

SPECIAL SALE

Te cu dia 7 di october

Bistir f.10,- F.15,- F.30,-

Sapatu F.10,-

Blusa y Slacks di materni-
dad F.5,-

Tambe Baller pakken y

Mayo na F.10,-

Se ofrece costurera
se aregla y cose ropa
de niños y de grande
y se hacen cortinas
uniforme
Tel. 33036
Daltonstraat.10



Atencion Agricultornan!!

A CABA DI YEGA:

Grow bags y kunstmest

kristalon

Diazinon y Lindane

Malathion y Diptere

Obtenible tambe na

tamafio y cantidad chikito

B.J.AREND & SONS

O'STAD HOME CENTER

"E adres pa agricultornan"

TA BENDE

TA BENDE

Pa motibo di viaje
1 Monte carlo t-roof '81
full equipped den bon
condicion. 1 TV Sharp
19inch(color) 1 video
cassette player Sharp
VHS, 1 baby carseat, 1
tocadisco y dos speakers
1 wasmachine, 1 guitarra
1 toaster, 1 juicer, 1 fan-
pa mas informacion pa-
sa na Ranchostr.11 of
yama tel.31904

TA BENDE

Machine di saca Tire.
Welding Machine :
HOBART
FOR SALE
Tel: 27381.

TA HUUR

TA HUUR

Un CAS na
Macuarima 57
3 camber
Inf.tel.28069/23450

TA HUUR

CAS
v/d Lindenstraat 3
San Nicolas
Pasa personalmente

TA HUUR

Apartamento muebla 275,-
inclui awa, corriente apart na
Jarmenstr. 5, y Ta Huur Un
Cas di 3 camber bashi na Bra-
zil 500,- Ta Bende 1 wasma-
chine autm.150,- y machine
di wringer 200,- Pa inf. San
Barbola 1 of yama tel.46715
atardi of 23978 parti mainta.

TA BUSCA

TA BUSCA

UN DAMA
PA CUSHINA
Pa mas inf. tel.46452 despus
di 6'or y 46090 oranan di tra-
bao.

TA BUSCA

UN CRIA
PA TRAHNA NA CAS
Yama 22344
despus di 6'or atardi.

TA HUUR

Un Apartamento, 2 cam-
ber, y un apartamento
mediano, muebla of no
muebla. Inf. Trim's
Carpenter shop
Sero Blanco 52-B
Tel: 24196

TA BENDE

TA BENDE

INBOEDEL COMPLETO
tur cos pa baby (tambe paña
y cos di hunga) y tambe werk-
bank, Cashi di herment, Her-
ment, Cirkelzaag y Boormachi-
ne Tel. 25021

TA BENDE

BOUWKEET nobo
Blokki 3", 4" y 6" betonmat
mosaicos pa baño, azulejos,
badkuip, lofres full length y 1
trompet.

Tel. 45340

TE KOOP

AANGEBODEN
Tur articulo di cas
Stoof f.25,-, Frigidaire
f.25,-
wasmachine f.100,-
y hopi mas
Seroe Biento 58
Tel.27130

TA BENDE

Un CAS antiek
4 camber
na Sta.Cruz 258
Fls.35.000,-
TEL: 28433

TA BENDE

CACHO Poedel
(med.)
8 siman bieuw, pa mas inf
TEL: 26609

TA BENDE

Camaro Berlinetta 1982
full equipped. Prijs
fls.15.000,-, 1 TV y mesa
y antenna f.600,-, tel kan-
toor 22536/ 24278 prive
Erasmusstraat 1 B

TA BENDE

Un CAS na
Wayaka
1 aña bieuw
pa mas informacion
TEL: 33175

TA BENDE

1 frigidaire non frost berde,
1 stoof gr. berde, 1 stofzuiger
electrolux, 1 stereo set cu ra-
dio am/fm cass. recorder ari-
ba su stand, 1 vhs National vi-
deo remote control, 1 schemer
lamp pa sala creme cu bruin, 1
cuadra gr. di fulp pinta cu ta
cende bon pa sala, 1 cama pa
baby blanco, 1 oloshi antiek
pa sala, 1 cas traha di palo pr
parha cu su asessorios, 1 hair-
blower, y varios articulo elec-
trico pa uso di cushina.
Paradera 28 tel. 25574

TA BENDE

Tur Muebles di cas. e.o. set di
sala, set di camber, T.V., pronk-
stuk, wasmachine y tambe ma-
ta y baki di mata. Ta Huur Un
Cas di 3 camber, baño, cushina
comedor y sala. Tel. 45127 of
Pastoorhendrikstraat 84. S.N.

TA BENDE

TA BENDE

Un Television di color 19"
cu antenne bon condicion
600,- y 160 Blokki 4".
Rooi Afo 85
Tel. 41226

TA BENDE

ELECTRIC Typewriter
marca Brother
Prijs negociable
Tel: 31459

TA BENDE

1 set di sala (1 sofa cu 2
stoel) 250,-, 1 wandmue-
bel 400,-, 1 wandspiegel y
mesa 125,-, 1 toilettafel
125,-, 1 kashi paña 2 porta
125,-, 1 cuadro grandi 50,-
1 cuadro 25,-, 1 cuadro 5,-
4 cuadro pa camber di mu-
cha 10,-, Diasabra henter
dia di 8'or en adelante na
Buena Vista nr.15. Simeon
Antonio.

TA BENDE

Un CAS
prijs regala
Tel: 48430
7'or a.m. - 12'or p.m.

TA BENDE

Daihatsu '84, Pick-Up
Datsun '84
y articulonon di cas
Sabana Liber 42-C
Tel. 27289 despues di
merdia

TE KOOP

Kinderbed, commode
buggy, baby-zitje
SAMEN Fls. 400,-
Rooi Koochi 48 C

TA BENDE

2 Cama di 1 persona
y su stoel
1 Baby hemelbed y su
comode
Chilestraat 8

TA BENDE

2 cama di 2 persona
f.100,- pa cada uno
1 di 1 persona pa 75,-
Por yama tur dia des-
pus di 6'or p.m.
Tel: 41809

AVISO

Commandante di MSKSAVA-
NETA ta participa cu lo tin e-
hercicionan riba terreno di
California dia 3 di oktober
1985 y dia 17 di oktober 19-
85 for di mainta 07.00'or te
merdia 13.00'or. Parti peligro-
so for di costa 4000 meter.
E terreno riba tera lo worde
marca cu banderanan corra y
borchi di aviso.

Problema cu bo aparatonan
y instalacion electrico,
airco, frigidaire, stoof di gas
ect. etc.

YAMA

46209

Djo Faro

ZEEWIJK 13 - A



Películanan cu estreno exitoso durante weekend

Películanan ta ser estrena na Estados Unidos, segun temporada, y weekend cu a pasa varios película nobo a ser estrena na Merca pa temporada di otoño, y varios di nan a pega asina bon, indicando cu nan lo ta películanan taquillero pa e simannan y lunanan venidero.

E película cu a ser estrena pero cu a lanta hopi controversia, especialmente den seno di religion, ta "AGNES OF GOD" cu Meg Tilly den papel estelar como soeur Agnes, Anne Bancroft como Madre Superiora y Jane Fonda como siquiatra tratando di soluciona e misterio. Den e película aki tabata tin un nacimiento den convento, y e baby a muri. Aparentemente e baby a ser mata. Sospechoso ta un soeur.



AGNES OF GOD
Película cu sigur lo ta un película taquillero cu Meg Tilly den papel estelar

Esaki ta e melodrama rond di e storia "Agnes of God. E ta ademas base pa lucha di fe, entre Agnes, e soeur cu ta canta den un voz celestial cu e ta reclama no ta su voz, y Madre Miriam Ruth cu ta trata di protega e soeur

y Dr. Martha Livingston e siquiatra cu ta investiga e caso. Agnes of God ta ser califica entre e películanan grandi di e aña aki apesar di reaccionnan insatisfactorio cu a bini di parti di religosonan ariba e película.

INVASION USA cu Chuck Norris tambe ta muestra di lo bira un di e películanan cu lo por gana millones di dolar den

su prome simannan y cu lo por bira un favorito despues di Rambo II. Mescos cu ta ser spera cu Agnes of God lo ta candidato fuerte pa Oscar na april otro aña, Chuck Norris su actuacion den **INVASION USA** y tambe e película ariba su mes ta ser considera como favorito pa nominacion cabar.

E titulo so ta bisa kico e película aki ta trata. Hombrenan cu number-



GODZILLA 1985


nan Ruso ta yega Estados Unidos pa un guerra di terrorismo. Norris cu tabata den retiro ta ser yama pa defende Estados Unidos cu ta ser menaza y e ta conoci como e experto cu ta usa double arma automatica pa caba cu e terroristanan. Den e película aki no tin un momento cu algo no ta pasando y accionnan ta masha rapido tras di otro, tur cos ta tuma lugar na Miami.

E película comico cu pa e temporada aki tambe a ricibi resencianan masha positivo ta "GOODBYE NEW YORK"

Den película aki un mucha muher (Julie Hagerty) ta haye den Kibutz na Israel despues cu el a perde ariba den avion, lubida di baha pa transito pa Paris.

E ta haye den tur sorto di situacion humoristico na Israel y hasta ta enamora, pero esaki tambe ta trece den tur sorto di situacionnan fastioso, cu ta pone e audiencia hari tras di otro. E ta ser considera como un película cu lo hala hopi hende pa motibo di su humor, pero no como película taquillera, manera por ehemplo un "Tootsie" of "Woman in Red".

Un di e películanan cu lo por bira un di e hitnan grandi e temporada aki si ta **GODZILLA 1985**. E monstruo cu ta respira candela ta re-aparece manera nunca el a ser mira den pesado. Criticonan cu a mira e película ta bisa cu aki ta "un leyenda a revivi" y cu ta un di e películanan mihor dirigi pa un Japonés como película di Horror.



CHUCK NORRIS

MERCURIUS TRADING

ta anuncia

CUNAN LO TA

SERA

AWE MAINTA, PA MOTIBO DI INVENTARIO.
Gerente.

GANADORNAN DI E SORTEO DI:
"2 B.B.Q. GRILL"

JUDITH FUN/EFERTSZ
Piedra Plat 84

TINA BOEKHOUDT
Pos Chiquito 11 - A

Sorteo a tuma lugar Diabierne 27 di September '85
Ganadornan por pasa busca nan Premio Na:

HUBERT SALAS & CO. Koningsstraat 86

Riba peticion Computer Institute ta cuminsa un Curso den Computacion mas riba dialuna y diaranzon anochi 7.30 - 9.00 cu un duracion di 12 siman na e suma di naf.500,- cual lo inclui membrecia den Computer Club. Lesnan lo ser duna 2 biaha pa siman 1 hora y 30 min. Cada biaha. Automaticamente labhours den computer club ta gratis. E Curso ta inicia dia 2 oktober te 18 december 1985 y lo encera: Introduccion den Computacion, Machine operation riba IBM PC JR, Basic programming language, Training riba computer segun schedule.

COMPUTER INSTITUTE Tel: 34462

Patras di Pudding Snack, enfrente LL Ball Park na Dakota

ULTIMO SIMAN DI LIQUIDACION

Tur Cos Mester Bai !!

ZAPATO na f.5,-/10,-/25,-
JEANS na f.15,- y 20,-

Y nos tin underwear na 50/o Descuento



EL UNID
na Tanki Flip 34.

Economia mundial

REBAHO DI PRIME RATE

E banconan grandi di Spaña a baha nan interes cu nan ta cobra mihor clientenan "Prime Rate" te 16.5 por ciento of 17 pociento. A dicidi pa baha e interes aki pa motibo cu inflacion a baha na Spaña di 9 te 7.9 por ciento ariba base anual, pero tambe pa motibo cu pedida di bida empresarial pa creditonan a baha seriamente. Na Augustus a ser duna 2.3 por ciento menos na fianzanan cu e luna anterior y pa september tabata ser spera un rebaha mas den esaki.

TARIFANAN DI ADOUANA

Ministro di finanzas di Gulf Corporation Council (GCC) un lazo di cooperacion di un cantidad di pais na Golfo Persico, despues di dos dia di reunion na Riyadh a yega na acuerdo pa pone e maneho monetario di e diferente paisnan pa concorda cu otro pa asina trece union den tarificanan di adouana. Ministro di finanzas di Koeweit, Jassim Mohammed Al Khorafi, a anuncia cu pa prome di januari otro año lo bini un sistema coordina di tarificanan di adouana. Bahrein, Koeweit, Oman, Quatar, Saudi Arabia y Emirato-nan Arabe Uni ta miembronan di GCC.

GANASHI SPERA

E concern di energia estatal di Italia, ENI ta spera cu e año aki pa prome biaha nan lo logra un ganashi despues di algun año di perdidan considerabel. E concern den cual tin un total di 287 empresa agrupa ta spera un ganashi netto e año aki di 400 milard lira, mas o menos 333 florin di nos, contra un perdida di año pasa di 88 milard lira, mas o menos 74 miljon florin di nos. Anteriormente e concern a laga sa caba cu pa otro año nan no kier saca ningun placa di e fondo di donacion di gobierno. Ultimo cuatro año e concern a usa sumanan considerable di e fondo aki.

COSECHA DI SUCU TA BAHÁ

Cosecha di sucu na Cuba otro año lo reduci cu 17 por ciento of casi un miljon tonelada di locual a ser planea, segun presidente Fidel Castro a anuncia. Castro a bisa cu esaki ta debi na segura den area di Caribe y a bisa cu e ta basa e cifranan ariba e prome calculacionnan. E año aki Cuba a produci casi 8 miljon tonelada di sucu y pa su entradanan ta depende 75 por ciento di exportacion di Sucu. Castro a declara sinembargo cu economia Cubano apesar di e reduccion den produccion di sucu e año aki y otro año lo sigui crece.

IMPORTACION DI GRANO

Bulgaria e año aki lo importa grano for di occidente debi na segura den e pais. No ta conoci sinembargo cuanto e cantidad lo ta. Luna pasa caba diplomaticonan di occidente na Sofia a laga sa cu Bulgaria lo bay cumpra grano na Argentina pa por cubri e escases cu tin den e pais.

GASTONAN PA EROSION

Un grupo combina di Banco Mundial y e

grupo particular World Resources Institute, a calcula cu ta costa anualmente un milard dollar den e siguiente 15 añanan pa pone un fin na erosion den selvanan tropico. E grupo di trabao tin un plan traha cu ta encera plantamento di selvanan nobo, reconstruccion di divisionnan di awa den e areanan cu mata tambe, di manera cu agricultura lo ta posibel atrobe. Tambe den e plan tin poni cu mester tuma lugar un investigacion pa por haya produccionan nobo comercial for di selvanan.

PROYECTO DI GAS

E compania americano di petroleo Atlantic Richfield Corporation (ARCO) a yega na acuerdo cu China pa bini cu un proyecto di gas. E empresa hunto cu Santa Fe Minerals Incorporated of Asia y e compania chines National Offshore Oil Corporation lo inverti 500 miljon dollar den e proyecto y den e siguiente 30 añanan lo explota gas for di lamaar Sud Chines. Mas o menos na año 1992 lo mester por produci 350 miljon meter cubico di gas pa dia.

MIEMBRO DI EVA

Finlandia dentro di poco lo pidi pa bira miembro di e Asociacion di empresa liber di Europa. E apis ta asocia mas o menos 20 año cu e organizacion. Den añanan 60 Finlandia kier a bira miembro caba di EVA pero preocupacion di comercio cu Union Sovietica ta e partner mas grandi di comercio cu Union Sovietica. Finlandia por bira miembro di EVA asina cu Portugal sali pa bira miembro di comunidad Europeo.

PEAJE AUMENTA

E tarificanan di peaje pa cruza Suescanal lo ser aumenta otro año cu 3.4 por ciento Egypto cu esaki kier aumenta entradanan di e canal cu 30 miljon dollar. Na 1983 e entradanan a yega na 980 miljon dollar cu tabata un record, pero año pasa e cantidad aki a baha cu 70 miljon dollar a consecuencia di e guera entre Irak y Iran.

COSECHA GRANDI

Bon tempoden regionnan di agricultura y mehoracion di e calidad di produccion segun expertonan di occidente a percura pa e año aki Union Sovietica tin un cosecha mas grandi di grano y lo reduci importacion. Expertonan di ministerio di agricultura di Merca ta calcula cu e año aki cosecha di grano na Union Sovietica lo ta 190 miljon tonelada. Esaki ta significa cu ainda lo mester importa 37 miljon tonelada mas contra 55 miljon tonelada importa den e temporada di 84/85.

GANASHI PA TELECOM

British Telecom, cu desde un año a ser bendi cu companianan particular den prome cuartal di e año aki tabata tin un ganashi di 443 miljon libra esterlina, mas o menos 050 miljon florin Antillano, cual ta 39 por ciento mas cu e 319 miljon libra esterlina, mas o menos 650 miljon florin Antillano, den e mes periodo año pasa.

Charles Richter a fallece ayera

PASADENA: E sismologo Charles Richter descubridor di Escala di Richter a fallece ayera na edad di 85 año na Pasadena, California.

Richter a descubri e forma di midi terremotonan y su descubrimiento ta ser usa pa cada temblor cu ta ser midi ariba escala di

Segui lesa pag. 13

OPENBARE VERKOOP

Op 12 oktober 1985 's middags om 14.00 uur zal ten kantore van de Notaris Mr. J.R. Croes, L.G. Smith Boulevard 64 te Oranjestad op Aruba, ten verzoeken van de ondergetekende notaris in het openbaar bij opbod aan de meestbiedende worden verkocht:

I. Krachtens onherroepelijke machtiging ex artikel 1203 lid 2 van het Burgerlijk Wetboek van de Nederlandse Antillen:

een perceel eigendomsgrond groot 861 m2, gelegen aan de zuidzijde van de Nassaustraat te Oranjestad op Aruba, kadastraal bekend als Eiland Aruba Eerste Afdeling Sectie D nummer 256, met de daarop gebouwde betonstenen opstal van een restaurant, plaatselijk bekend als "Nassaustraat 152" ("Trocadero Restaurant");

II. Krachtens fiduciaire eigendomsoverdracht:

de inventaris en/of machines alsmede de voorraden behorende tot het restaurant-bedrijf van gerekwireerden gedreven onder de naam TROCADERO RESTAURANT.

De veilingvoorwaarden zijn gedeponeerd ter Griffie van het Gerecht in Eerste Aanleg, Zittingsplaats Aruba en liggen voorts ter inzage ten kantore van notaris mr. J.R. Croes, aan de L.G. Smith Boulevard 64 te Oranjestad op Aruba.

Mr. J.R. Croes Notaris.



DEPARTAMENTO DI ASUNTONAN ECONOMICO ARUBA ANUNCIO

Segun Decreto di Ministro e siguiente prijsnan maximo a wordu stipula pa territorio insular di ARUBA entrante 28 di september 1985

Articulo/Marca	Contenido	Prijs maximo detayista	Prijs maximo consumidor
a. Aroz CEHEFWAY - bruin	12/5 lbs 6/10 lbs	f. 40,43 f. 41,31	f. 3,70 +0,05 f. 7,56 +0,84
b. Te: MAXWELL HOUSE - envelop PICKWICK - teabags w/o envelop	10/100 - 2 gr. 40/100 - 2 gr.	f. 42,97 f. 106,76	f. 4,75 -0,04 f. 5,17 -0,03
c. Coffie: MOCCONA - C.V. blauwmerk ZILVERMERK - roasted COLCAFE - instantaneo	12/50 gr. 24/250 gr. 48/50 gr. 24/85 gr. 24/170 gr.	f. 26,15 f. 70,28 f. 68,52 f. 55,22 f. 105,17	f. 2,40 +0,14 f. 3,20 -0,07 f. 1,59 -0,02 f. 2,55 -0,06 f. 4,86 P.S
d. Cuminda pa baby: LACTOGEN - lechi pa baby	24/454 gr. 12/1135 gr.	f. 84,40 f. 101,48	f. 4,04 0,19 f. 9,73 P.S.
e. Manteca OLANDESINA - bleki	48/500 gr. 24/1 kg.	f. 110,12 f. 107,77	f. 2,55 P.N. f. 4,98 P.N.D.
f. Margarina. REMIA - halvarina	20/250 gr. 40/250 gr.	f. 17,29 f. 24,64	f. 0,94 +0,05 f. 0,98 +0,04
g. REMEDI pa diabetico: Glucophage 50 tab./500 mg. "ZYMA" per tablet Glucophage 30 tab./ forte 850 mg "ZYMA" per tablet	f. 6,25 f. 6,51	f. 7,61 -0,08 f. 0,15 f. 7,92 -0,08 f. 0,26	

Organizador di Live Aid ta plan bashi

NEW YORK: E cantante di Pop, Bob Geldof cu a organiza e show di aña, Live Aid cu a produci millones y millones di dollar pa hendenan di Africa ta plan bashi.

Segun informacion for di New York, su amigonan mester a colecta placa pe ayera pa e por a haci un viaje pa New York unda e lo mester promove e buki cu el a skirbi ariba e preparacion di e show mundial. Mi ta plan bashi y cada cent cu a ser duna pa e

concierto, a bay pa Africa y ta bon cu mi tin un amigao cu ta traha, el a bisa haciendo cherche di su situacion.

Cu Bob Geldof ta bashi awe lo no ta straño pasobra mañan e lo ta baña atrobe den placa pero e

biaha aki pa su mes. E buki di dje, cu 192 pagina y hopi foto di color a bende caba na Inglatera 200 mil exemplaar y ta ser pensa cu na Merca esaki lo bende mei millon sigur. Tambe tin planea un pelicula di e concierto.

Richter

Cont. di pag. 12

Richter.

E científico pa hopi aña caba ta sufri di curazon. Aña pasa el a ser hospitaliza tambe cu un ataque

cardiaco. Despues cu su situacion a mehora un poco el a ser transporta pa un instituto na Pasadena pa sigui recupera.

Richter a bira fama door di su descubrimiento di magnitud di escala pa temblornan na 1935.

Esaki e no a descubri su so pero hunto cu Beno Gutenberg.

Show di television a produci millones pa Mexico

LOS ANGELES:—E show internacional di 12 ora presenta pa artistanan internacional pa yuda Mexico a produci 5 milyon dollar pa victimanan di e terremoto, segun e organizadornan a informa ayera.

Entre e centenares di artistanan cu a tuma parti na e show aki, tabata tin Julio Iglesias, e actor y comico Mexicano Cantinflas, kende a perde cuatro familiares durante e terremoto, y e cantante di opera Placido Domingo cu tambe a perde familiaran.

Anfitrión y anfitriona tabata e actor Ricardo Montalban y cantante Vicky Carr.

E transmision cu tabata tin como titulo "Estamos Contigo" segun Steve Moyocero di e organizacion, a produci mas di 3.5 milyon dollar na California y dos millon mas den otro paisnan.

Unico parlamentario di oposicion di Singapor den prison

SINGAPOR: E unico parlamentario di oposicion a ser condena na 3 luna di prison pa motibo cu 3 aña pasa el a nenga di bisa cu su partido a ricibi contribucion financiero. Apesar di a ser condena, J.B. Jeyaretnam secretario general di partido di obreronan no a entrega su asiento. Presidente di e partido tambe a haya un castigo igual. Na 1981 cu Jeyaretnam a bay cu e asiento di partido di pueblo di Prome Ministro Lee Kuan Yen esaki a resulta como klap pa e partido cu ta na poder mas di 16 aña caba y cu gubernacion absoluto. Jeyaretnam a ser re-eligi aña apasa.

Lechin kier viaja pa exterior

LA PAZ: E lider sindical di 73 aña Juan Lechin di central di sindicatonan na Bolivia, kende a ser deporta pa e parti noord di e pais kier bay exterior, esta cu e kier pa wordo deporta pa exterior.

Motibo di esaki ta su salud cu no ta bon y cu diariamente e mester di cuidado medico, segun ministro di asuntonan di interior, Fernando Barthelemy a bisa ayera. Na Bolivia personanan deporta di e manera aki, por wordo manda pa exterior segun constitucion den caso cu toque de queda ta vigente den e pais.

En total 177 persona a ser deporta di nan lugar di residencia pa selvanan den parti noord di e pais y e expectativa ta cu hopi di nan mescos cu Lechin lo pidi pa wordo deporta pa otro pais.

A fallece cristianamente na edad di 82 aña:

ROSA DOMINICA HENRIQUEZ

Na number di su subrinanan y subrinonan

Joana Figaroa Heyde y familia
Marcelo Heyde y familia
Sra. Vda. Maria Wolf-Heyde
Sra. Vda. Theodora-Kelly-Heyde y familia

Pablo Henriquez y señora
Maria Figaroa-Henriquez y familia
Sra. Vda. Theresita Luydens Henriquez y familia
Sra. Vda. Maria Henriquez-Dijkhoff y familia
Christopher Heyde,



demas familia Henriquez, Heyde, Figaroa, Wolf, Kelly, Luydens, Dijkhoff, Semeleer, y Jacobs, ta invita tur familia conocirnan, na acto di entiero cual lo tuma lugar diamars 1 di october, pa 4 or atardi saliendofor di Iglesia Sta. Anna pa santana catolico na Noord. Restonan mortal lo ta for di 2 or den iglesia Sta. Anna na Noord.

LA HOJA FUNERAL HOME

Ta participa fallecimiento di:
Sra. Vda. Eugenia Damian-Maduro—Rosa Dominica Henriquez —y—Sra. Angela Ismail Tromp



Cu honda pena pero conforme cu voluntad di Dios nos ta participa fallecimiento di:

SRA. VDA. EUGENIA MAGDALENA

DAMIAN-MADURO

Mihor conoci como Magdalena, na edad di 81 aña

Na number di su yiu
Helena y esposo Betto Maduro Nietonan:

Robert, esposa Mayra y yiunan
Mirna, esposo Mando y yiu Nelson

Marlene, esposo Rudy y yiunan
Rumannan Paulo Maduro y fam.

Ignacio Maduro y familia

Simon Maduro y yiunan

Cuñanan, primo y primanan, subrino y subrinanan, demas familia Maduro, Damian, Thiel, Koolman, Orman, Flemming, Wester, Pena, Guillarte, Oduber Geerman, Croes, Ras, Rosel, Boekhoudt, Dijkhoff, Vrolijk, Jacobs, Williams, Carrion y Werleman ta invita tur bisia, amigo y conocirnan na acto di entiero cual ta tuma lugar diamars dia 1 di october, pa 4 'or di atardi, saliendofor di cas Macuarima 40 pa iglesia Inmaculada Concepcion despues pa santana catolico na Sta. Cruz.



GRADECIMIENTO/INVITACION

Na number di su esposo Toni Geerman, yiunan, Linda, Siet, Vi Geerman, Su nieta Angeline, su nieto John, demas nieta y nietonan, kier a gradici tur esnan cu di un of otro manera a muestra nan atencion na ora di enfermedad y entiero di nos inolvidable esposa, mama y wela querida:

SRA. MACA GEERMAN-BOEKHOUDT

Gradecimento ta bay na tur esnan cu a manda flor, krans y telegram y alavez ta invita pa 2 santo sacrificio di misa cual dianan lo ta:

Diaranzon 2 di october y diabierna 4 di october pa 7 or anochi na Iglesia Inmaculada Concepcion na Sta. Cruz. Despues di misa di ocho dia lo tin 2 rosario na cas: Macuarima 80.

Gradecimento ta bay tambe na Agencia Funeraria del Pueblo pa nan bon servicio. Boso presencia y atencion lo keda semper den nos memoria.

Gradecimento y Invitacion
Tata, Sr. Everardo, Mama, Sra. Benita
ruman Milton y demas famia di e difunto

Srta EVELYN

CROES

mihor conoci como KARIN

Ta gradici tur famia, amigo y conocirnan cu a muestra nan atencion na ora di enfermedad, morto y entiero di nan defunta. Tambe tur esnan cu a manda krans, flor y telegram y jamadan telefonico. Un gradecimento ta bai pa Dokternan Anaya y Vallejo. Zusteran y personeel di Dr. Horacio Oduber Hospital. Floresterianan, muy en especial Bertha's Flowershop. Cadetsnan y grupo di oracion di Blue-Army-La Birgen di Fatima, Coro Santa Theresita, Alumno y maestronan di John Wesley College. Srta. Sandra Croes, Sra. Rosa Tromp, Srta. Mayra Pourier, tocadoran, Directiva y miembronan di Marlboro B.B.C. cuerpo policial, S.N. Agencia Funeraria del Pueblo pa nan bon y sublime servicio, Sr. Eddy Maduro, Rev. Pastornan Felix Passadia di Santa Cruz y Bruno Fick, y o.p di Savaneta, y Pastoor Jansen di San Nicolas. Boso presencia tabata un gran consuelo pa nos durante dianan di tristesa Alavez famianan ta participa cu lo bai tin 3 Santo Sacrificio di misa, Diaranzon 2 di oktober, diabierna 4 okt. 6.30 atardi y diadomingo 6 okt. 8.30 di mainta na iglesia Santa Theresita.

Boso presencia ta altamente Aprecia.

DIOS BASHA SU BENDICION NA ABUNDANCIA RIBA BOSHONAN.

KARIN SOSEGA NA PAZ PA MISERICORDIA DI DIOS AMEN.



Un storia saca for di e buki "E REGRESO Y OTRO CUENTANAN", scribi na Jossy Mansur.

E REGRESO

PA AMOR O PA DESPECHO ?

--Ami a peca pa amor, pero abo a hacie pa despecho--

Rosa a bise, para dialnti di Palm Beach, bisti cu un bikini provocativo.

Tur e encanto di su curpa, marca pa curvanan esbelto y pechonan erecto, tabata proyecta un sombra tentador ariba e santo blanco di costa.

Su cara tabata buntia, cu e bunitiza di juventud, aihda sin marca di tempo.

Su stem tabata tembla di frio, e frio cu bo ta sinti ora cu den un solo cayente bo ta zambuya den awanan di lamar y djey bo ta sali den e biento cu ta brazabo cu mannan di ijs.

--Pakico bo mester bira falso awor, Rosa?--

Antonio a puntre, tratando di controla su stem pa e tambe no bira mes tembloroso cu esun di su amiga, pero no cu sentimiento, sino cu rabia.

--Bo tabata sa masha bon kico nos tabata haciendo.

Mi no a gafiabo, y mi no a seducibo tampoco.

Bo sa esey masha bon.

Pero bo'n kier admitie.

--Gafiando! B'a primintimi matrimonio, y tur loke mi a haya ta un muestra di dje.

Awor bo kier bay lagami, lagami cu un pica cu pronto tur hende ta bay conoce.

Ta kico bo ta kere ta ta bay keda di mi nomber ora cu e cay den e lenga di e redasheronan cu ta abunda na Aruba?

--Mi'n ta bayendo pasobra mi kier, Rosa.

Mi tin di bay studia.

Mi school ta cuminda den un siman y mi tin di sali pa Hualnda mañan.

Pesey m'a invitabo awe, pa nos papia e asunto aki cu calma y pa mi splicabo cu ta pa un añaso.

Un aña ta pasa lige.

E mucha homber tambe tabata bisti cu un batbroek, y su cabey tur muha tabata liso y preto, y su wowonan tabata claba ariba e cara di Rosa, cu amor y cu algo di dolor, pasobra loke e tabata bisando no tabata totalmente cierto.

El a sali for di su caminda pa conkista e mucha muher cu fama di incontestable, y ora cu el a logre, e sabor mes di e triunfo tabata stroba e interes cu tabata despertando den dje pa Rosa.

Nan ta bisa berdad cu una bes bo purba un dushi ya e no ta mes provocativo cu ora bo ta mire tras di un vitrina, yen di tentacion pasobra bo no por rek bo man y djis coge.

e ta continua mañan.

Mi ta full di acuerdo cu Dr. Anaya

ORANJESTAD (AAN)

Fuera di un cantidad masha grandi di yamadan telefonico dunando apoyo na Dr. Anaya, DIARIO a haya e siguiente remitido di P.V.:

--Señor Redactor, permitimi un espacio den bo corant tan lesa. Di antemano mashar danki pa e espacio concedi.

"Motibo di e remitido ta pa mi duna mi opinion di e tan famoso programa di 'Quo Vadis' di Diadomingo ultimo, entre Dr. Anaya y Dr. Janssen.

"Ta lo siguiente, cu mi ta enteramente contra di locual Dr. Janssen a trece padilanti y mi ta full di acuerdo cu Dr. Anaya.

"Pa motibo cu mi mes personalmente a pasa den e probleman ey, y mi ta sigur cu no ta ami so, sino hopi hende mas a pasa den e mesun tipo di

caso of mas peor.

"Ta asina cu un madrugada mi a haya un dolor masha fuerte mes. Mi esposo a busca contacto cu mi Dr. di cas mesora, pero locual tabata imposibel pa haya. Despues nan a manda mi esposo pa yama e Dr. di warda, locual tampoco tabata localizable. Mi esposo a dicidi di hibami emergencia, yeganado ayanan mi a haya asistent pa atendemi.

"Nan a duna mi un calmante mesora pa e calma mi dolor, cu tabata masha fuerte mes. Den e mes momento nan a yama un especialista, cu den menos di diez minuut a presenta. Y pa casualidad tabata Dr. Anaya mes. El a saminami y a determina cu mi mester keda Hospital, y cu mi mester wordu opera e dia siguiente.

"Supone cu no tabata tin Asistent na e momento ey, awe talvez lo mi no ta skirbi e remitido aki.

"Segun mi por a comprende for di palabranan di Dr. Janssen, cu den caso cu un hende haya ataque di curazon, e mester consulta cu su Dr. di cas promer, y pa Dr. constata cu ta un ataque di curazon, anto pa e ora ey, e mandabo Eerste

Hulp, pa motibo cu e Dr. di cas no tin e equipo necesario.

"Ja, e ora ey lugar di nan jama Eerste Hulp, mihor nan jame Laaste Hulp. Pa tur e tempo cu bo a perde pa busca Dr. di cas, bo tabata....te laaaaaaat!

"Scuchando e programa segun ni concetpo cu ta un Especialista cualifica por dirigi un Hospital, no un Huis Arts (den caso di Dr. Janssen). Pa motibo cu un Especialista sa di tur e equiponan cu nan tin mester. Promer cu Bestuur College tuma decisionnan cu ta concerni bida humano, nan mester consulta promer cu Especialistanan cu ta experto den e ramonan aki.

"Y no tuma decisionnan descabeya, y pa razonnan politico.

"Mi ta spera cu pueblo lo apoya e especialistanan, y pa nan propio bienestar. Bestuur College no por economiza ariba bida di hende.

"Por ultimo mi kier a jama danki na Juff. Henriquez pa su programa tan sintoniza 'Quo Vadis', pero lastimamente e ta mucho cortico. Ojala cu lo bin mas programa ariba e mesun topico aki.

"Di antemano mashar danki..." P.V.

MARTIJN TRADING Co.
STALEN PLATEN
Tel. 21492 EAGLE



Oferta Cash adicional pa
E luna di OKTOBER
Lavaplate--150/o & 200/o
OFF!

Verfman di marcanan
"Somay" y "Valspar"
150/o OFF
B.J. ARENDS & SONS
Aruba's Hardware Centers
Ostad & San Nicolas
"Valor na Prijs decente"



Arubano Luchador

Aruba mi patria bunita

Nos a lucha pa nos libertad
Nos ta Arubiano di sentimento
Nos ta latino, den lamar Caribe.

Arubiano luchador
Arubiano Sentimental
cu ta stima su patria
Den riqueza o den pobreza
Nos ta raza trahador

Aunque sanger a derama
Un cadena a ser kibra
Federalista kier wanta uno
pero nos ta kibre cu nan cu tur.

Nan ta corda di pasado
Porvenir nan no tin
E ta corda un difunto
Y e mes tabata den lomba

Un ta grita, cuida nos patrimonio
Pero e mes kier ranca un pida,
di nos pover piscador

cu ta busca bida na lamar

Pakico bo ta haci buya
di grita salba e homber
Aruba no por perdé
Pero awor bo kier asesiné
di un manera politica
Arubiano bibo no ta cay
den trampa.

Ariba Aruba, tres vengador
Den un fogon tres piedra
Nan ta wanta un wea
ariba nan cabez
Den e wea, ta yena cu libertad
Na e fiesta di nos Status Aparte

Falstimonio y blasfemia
ta lanta ariba dje
mentira ta cay na granel
pero historia di mundo lo
bisa
E ta boso libertador.

Juan Boekhoudt

Jaycees Cont. di pag. 5

racion economico, proteccion ambiental y entrenamiento di jovennan pa paz mundial.

E tema di convencion di Antillas lo ta Entrenamiento di jovennan pa paz mundial

Lo tin un foro en conexion cu e tema aki diasabra cu oradornan reverendo William Lake cu lo papia encuanto Paz en general, Sr. Roberto Lopez Henriquez lo papia di prevencion di crimen bao di juventud, y lo papia tambe Sra. Phylis Stowe. Su topi-

co lo ta relacion juventud /mayornan y organizacion

Pa e foto tur hende ta invita pa asisti di 9 or mainta pa 12 or merdia den Duth Masters Room di Aruba Palm Beach Hotel.

Durante e convencion lo tin tambe un gettogether social chiquito.

Lo tin e banquete unda lo tin reconocimiento di e diferente proyectonan nacional. Durante e convencion lo tin tambe presenciamiento di Prome Ministro Maria Liberia Peters y e mas bien lo efectua e apertura

Diahuebs anochi, si e ta na Antillas.

En coneccion cu e desaster di Mexico lo bini cu un proyecto nacional cu lo ser discuti durante e asamblea nacional aki. Lo acerca Cruz Corra y Jaycees di Mexico pa mira kico lo por haci di parti di Jaycees di Antillas pa Yuda.

E aña aki tambe lo tin candidato pa Jaycees Internacional pa vice presidente y Sr. Tito Sapuano mes lo ta e candidato Antillano.

SOCIAL



Awe a cumpli un año, **ROZANNE SUJENNE THIEL**. E ta haya felicitacion di su mama, su tata, su pepe Glody Tromp cu ta stime hopi, su omo Sonny Vrolijk, su tanta, primo y primanan, su welo y welanan y demas familia y tambe di Diario.



Awe nos princesita **CARINA LORENA KOOLMAN**, a cumpli 10 año. Hopi felicitacion ta bini di su mama, tata, ruman Andy, madrina Lidia, padrino Freddy Camacho, di su abuelonan Camacho, tanta y omonan, di su amiguitos y maestronan di Rosa Colege, y tambe di Diario.



Señor Edilio Martinus a celebra e hecho cu 25 año pasa el a cuminza traha cu transporte publico ariba nos isla. Na año 1960, señor Martinus a cuminza como chauffeur di bus na West-End Transportation. E compania di transporte aki tabata ser dirigi pa Basilio Martinus, tata di e hubilario. Nan año 1979, gobierno di Aruba a tuma e compania di bus over y e compania nobo a bira Compania di Arubiano di Bus (Arubus). Desde principio señor Edilio Martinus a fungi como chauffeur na Arubus. Actualmente e ta dienstleider (shiftsupervisor). Ing. Eddy Briezen, director di Arubus, a entrega e tradicional envelop na e hubilario den presencia di empleadonan di e compania di bus y di tata di e hubilario esta Pa Djidji.



Ayer a cumpli año srá **VICTORIA ASCANIO DE THOMAS**. E ta ricibi felicitacion di su mama, su prins Rigo, rumannan, tanta y omonan, primo y primanan y muy especial di su amo de llaves cu tambe a cumpli año e mes dia y demas amistades y familia na Aruba y Punto Fijo y tambe di Diario.



Awe ta cumpli 4 año, **REANGELO KOOLMAN**. E ta haya felicitacion di su mama, su tata su ruman Reghinald, tambe di su abuelo y abuelanan, du padrino y madrina, tanta y omonan, prima y primonan demas famia Irausquin y di Diario.



Awe ta cumpli su prome año e prins di cas **AN-GELO GEERMAN**. E ta haya hopi pabien di su mami Audrey, papi Raul, su madrina Carol y padrino Marion. Tambe e ta haya hopi felicitacion di part di su wela y welonan, Ma Dora y Pa Ricky, muy especial di Anabella y Bryner na Hualanda y tambe di Diario.



Awe ta di fiesta e piti-fina di Mai Store, **LES-BIA DE CUBA**. E ta haya felicitacion di parti di su dos yiunan, tur su amiganan y amigonan di trabao y tambe di su dos rumannan, su cuña e especialmente di su pitufino di Colombiastraat, y di Diario.

KLM-Avianca



Diadomingo ultimo a sali pa Bogota e delegacion Arubano cu ta participa na e segundo Olimpiada de Menos validos de habilidada profesional. E Olimpiada lo tuma lugar for di promer pa cinco di october. E Arubanonan cu lo participa ta John de Vries y Pete de Cuba. Nan a ser acompaña pa señores Rudy Leysner y Mirto Lacle.

PA TRABAO DI
WELDING
(e.o. ijzerwerk)
Yama FEO
TEL. 27922

HOME VIDEO RENTALS!

IOWA'S #1 NERD
TAKES REVENGE!

Fraternity
Vacation

DAKOTA VIDEO
DAKOTA SHOPPING
PARADISE
Tel: 33833

Homber a hunga kung fu den auto di polis

ORANJESTAD(AAN)—Diadomingo atardi central post a dirigi patruya di Santa Cruz pa Sabana Liber unda un yiu lo a

yega cas bao di su awa y kier a lanta cu tur hende den cas.

Ora polis a yega na e cas nan a bin topa cu tata

Detenidonan ta nenga acusacion

ORANJESTAD(AAN)—Diasabra maduga mas o menos 4.10 or un patruya tabata pasando den Dominicanessenstraat y a mira dos persona conocí pa nan ta core sali for di e caya y drenta Kerkstraat. Nan no a sigui tras di e personanan aki pa motibo cu algo prome nan a ser notifica pa atende un caso caminda un homber a pidi asistencia urgentemente.

Nan a bin topa cu e homber F.D. di 45 aña y el a declara cu un homber y un muher a caba di ataca su persona y a kita 75 florin cu e tabata tin y cora bay abao.

E descripcion cu a ser duna di e dos atacantenan tabata cuadra cu e dos personanan cu polis a mira ta core bay.

Despues di a tuma nota di e denuncia e polisnan a dicidi di bay den Rancho y a bin topa e dos personanan aki den

Boliviastraat. Ambos a keda deteni.

Nan a keda persisti cu nan no a ataca ningun persona, sinembargo polis a hiba nan warda y eynan nan a pasa algun ora te merdia cu nan a ser laga den libertad atrobe.

di e joven, un persona di 54 aña cu a declara na polis cu su yiu homber di 26 aña a yega cas burachi y kier a bringa cu tur hende na cas.

E homber di 26 aña tabata asina altera ora cu polis kier a papia cune cu el a hasta lanta contra agentanan y cumenza manda mokete pa loco.

Klop a ser saca pa domina e homber aki, pero ni e "rubber preto" duro no a yuda pasobra el a sigui cu su actitud agresivo contra e funcionarionan.

E polisnan mester a trata di tene e ora ey pa do-

POLIS

mine y boei su mannan pa por a hinke den jeep di polis.

Na momento cu e homber tabata den jeep, el a transforma den un maestro di arte martial mesora pasobra el a tuma posicion di kung fu, y cu un schop di e arte aki, el a kibra un di e glasnán di e jeep.

Na warda el a ser pasa mesora pa suite di buracheria pa ora cu su curpa drecha e firma e proces-verbaal cu a ser traha ariba dje, esta tira mokete ariba polis, destruccion, y naturalmente su agresion.



Na Warda di polis despedida a ser tuma di recherche Karel Wauben cu a keda traslada pa Curacao. Chef directo Sr. Leerdam a haci entrega di un regalo na Sr. Wauben na e ocasion aki den presencia di colega nan, secretaria Edna Zievinger y Inspector Zaan-dam.

Reclamo y informacion

Diario

Yama telefon
26747

PREVENI TA MIHOR CU CURA—
TA CONTA TAMBE PA BO AUTO—
SPECIAL DEN TEMPO MALU—

Pesey pasa cerca nos na:

TOPCAR N.V.

Boerhaavestraat no.21



Den luna di Oktober
Nos ta haci un chequeo general

di entre otro:
motor,brakes,
clutch,muffler,
y lo demas

Yama nos pa un
afspraak: 23633
23733-22404

BOFREI Agencies

TEL:21741

Sta-Sof-Fro

PAGÁ PA 8 OZ.

Y MANJA 10 OZ.

Sta-Sof-Fro

Obtenible na TUR Botica y Supermercado

HALIRUSH N.V.

Sabana Blanco 2 Tel. 26313

Rectificacion

Decorative Brick

E PRIJS DI
Fls. 10,63

TA CONTA
SOLAMENTE
ARIBA

e color
Antique White

Boulevard Theatre

I

TODAY
at 8.15 p.m.




ESCUOLA
DEL DESORDEN
comedy-drama 18yrs.

Boulevard Theatre

II

TODAY
at 8.45 p.m.



A Soldier's Story
drama 14 yrs.

Drive - In

TODAY
at 8.30 p.m.



adventure 14 yrs.